

故宮博物院
珍藏

河北府州縣志

共十四冊
第十二冊



故宮博物院編

海南出版社

故宮珍本叢刊第 074 冊河北府州縣志第 12 冊(共 14 冊)

故宮博物院編

大名府志 清河縣志

新河縣志

海南出版社

新河縣志
PDG

圖書在版編目(CIP)數據

故宮珍本叢刊.第73~74冊,地理.都會郡縣.河北,[光緒]重刻館陶縣志、鷄澤縣鄉土志略、
[康熙]隆平縣志、[康熙]任縣志、[康熙]大名府志、[康熙]新河縣志、[康熙]清河縣志/故宮博
物院編.-影印本.-海口:海南出版社,2001.4

ISBN 7-80645-966-9

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06476 號

故宮珍本叢刊第 074 冊

河北府州縣志第 12 冊(共 14 冊)

[康熙]大名府志 [康熙]新河縣志 [康熙]清河縣志

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2001 年 6 月第 1 版 2001 年 6 月第 1 次印刷

開本:787×1092 毫米 1/16 印張:34.5 印數:1-400 冊

ISBN 7-80645-966-9/Z·47

定價:2680 元(河北府州縣志 45 種共 14 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

余郡志修于以爲癸未迄

今計八十餘年雖我

朝定門傳檄安撫不大事更張而

前此辛巳之災祲癸甲之寇禍

亦宇內戡亂興治之一會也烏

重修大名府志序

三

容以無遠况乎宦蹟人物節孝

之彰彰在人耳目者乎失今不

紀將懼湮滅司馬遷曰滅功臣

世家賢士大夫之業不載罪莫

大焉是甚矣修誌之不可緩也

重脩大名府志序

郡邑之有志名曰地志實則史也周官

外史掌四方之志小史掌邦國之志故

列國皆有史晉乘楚檣杌魯春秋是已

後世作之于朝廷者曰史于四方者曰

志法雖與史異而一郡一州邑之天文

重脩大名府志序

九

地理土風物產沿革建置人物宦蹟食

貨兵防祠祀文苑靡不具備卽志也固

舉史家之全體而有之江淹以爲脩史

之難無出于志鄭樵亦云志憲章之所

係必老于典故然後能爲誠重之也吾

郡負山阻河爲

專已則愚矜名則失實溢美則近諛有
 一于此不足以示遠而存信故曰志之
 難也郡志之不作久矣又值滄桑變易
 老成凋謝之餘余乃披拾舊文參以所
 見所傳聞能無十千百之感然不敢
 繁不敢簡也不敢徇不敢專也不滄于

重修大名府志序

士

序而其理順也不侈于文而其體質也
 不怵貴盛不比親暱而是非之論定也
 書其美則惡者懲書其得則失者彰而
 勸戒之義著也故首地理風土別矣次
 星野天文著矣次沿革興廢可觀矣次
 年紀詳其可述矣次大景物觀地有資

次風俗方物民情見矣次田賦徭役秩
 祀兵防官政具矣次職官甲科人材可
 稽矣次宦業人物興感可風矣終之藝
 文古今之制作備矣若是者志之義亦
 史之義歟顧予謏劣則何能爲竊有志
 而未逮焉耳左右襄予者則袁子力也

重修大名府志序

三

獨是郡守周公爲政之餘留意文獻振
 舉百年墜典厥績甚鉅尤難泯焉集成
 凡三十二卷新增者編附舊志之後以
 便觀覽云爾

康熙壬子夏五月

賜進士出身奉政大夫奉

郡人鄧煥元撰



重修大名府志序

十四

吳

大名府志序

大名古稱雄區。五霸屏藩。唐五代趙宋以來。爲帝國爲東都。爲魏博。爲天雄軍。爲北京衛。在周爲同姓之封。稱大國。與齊魯並。秦漢東郡視股肱。韓名臣。萃之唐中葉。魏博號稱藩鎮。擅畧吏以貢賦。自私雖。卿詰鎮稍能効義。然叛將孽萌。訖唐之亡。卒不爲王土。五代梁唐之際。夾河之戰。不解甲者十七年。而王彥章持鉞鎗。日垂涎於得勝。南北寨唐人莫能當之。劉知遠宋

舊序

祖自其微時皆往來河朔伺變遭魏之間至真
廟改元又六龍時時發蹕慶曆中遂陞爲陪京
而官制衙宇稍擬汴都矣今其地潛龍宅劔甲
募御店皇城廻鑾碑鐵鎗寨得勝寨國子監遺
蹟具在固用武之區而英雄所必爭之地也諸
顯然散見於載籍者如鹿臺旌江鹹城沙麓本
於詩書之所稱引瓠子宣防顯盛禹堤出於子
史之所記載苗晉卿之德政田緒之道愛朱徽
宗之五禮令狐彰之開河在金石之所紀載

紛莫殫紀雖年代遐邇然未隨俗變探奇慕古之士往往登臨慨低回而不能去其時若仲由倪寬狄仁傑宋璟冠世王仁文彦博司馬光劉摯傅堯俞之賢而官於斯者端水陽閣相汲黯南齊裴良之元王文正劉忠定之賢而生於斯者能脫塵埃英輝映前後又一方之文獻故久而後來者之指南也夫名藩要鎮什圖遺軌冠當時必有紀載之書彙括會萃以傳久遠然歷考崇文總目四庫總纂總考昭使諸書大名府志舊序

志未見所謂大名志者及考唐宋州郡圖志之制則三年一上宋則閏年一上夫上之闕庭其必曰有官府列之圖門今皆無之則當時所上果何物也大名列在輿輶洪武景泰之間志凡再修今僅於寰宇通志一統志稍見一二而郡中竟無副本泥在經籍斯又何也弘治甲子東明尹上諭唐君錦承郡守韓氏之命始議修纂顧其時典籍未備詎咨未廣且多取於阜寧里應之言編次體裁有遺恨逮今又歷一甲

子矣因革損益匪無可言乃咸缺焉弗紀非所以存故實而急要務也予自濫職史局頗有意綴葺之每披覽載籍諸有關境內者隨手節錄日久彙積遂得數冊雖事無倫次然櫛櫛彙倪要備采擇屬廣平倅歸安茅君坤受惠檄來任志事予因出其草授之入館未旬月而茅君有部署之命事遂寢後八年茅君復來秉憲聚訝事非偶然必可續成也若無何謝政去然則纂定之責爾非有待於今日耶丁巳夏烏程天泉

大名府志舊序

六

潘君俸予大名時晴山李侯方為守侯嘗讀書中秘蓋雅意文事者以君故史官也不欲煩以筆書乃請於撫院鄭葵山氏巡院姜省吾氏學院馬極里氏兵憲侯二谷氏咸以掌故屬之而復以魏縣丞筆山陳君耀文為之副承時以諫參予際觀聞命亦忻然來赴是秋八月遂開館於北城書院選舉官弟子博達者若干人佐以從事會予亦以茅君稿上潘君乃至院矢於纂曰夫志將以信今傳後也惟名藩要鎮往闕遺

耶平益信茲志之必能永傳也嘉靖三十七年
歲次戊午夏五月吉旦賜進士出身翰林院檢
討翰林吳璩撰

大名府志舊序

大名府志舊序

敘曰自昔理人者縣法憲令曷曷嘗不孳孳之
故天下之慮哉故當時則粲然然易世則弗其
仁蓋無窮至與天地相敵者惟書也史是已而
郡縣志則史之分也非郡國志則不能以成國
史徵史則無以存往跡而善治嗟乎其重矣哉
夫大名者古之魏也以其襟帶兩河介于山東
西之間故常爲天下樞至後分割則魏又爲地
戶屹然外捍故魏者重地也譬魏於全盛則人

大名府志舊序

十

之資也列之則薰于心其在偏安則將也拊之
則扼于吭故君子無天下之慮則已誠有之
其所以稽古驗今保輔具輜以擊輿圖者胡可
緩哉而其志在久弗治非以其重地難之耶頃
歲茅子順甫來降則嘗爲之茅子又士又憲事
然草之卒弗就去已而再至又竟就遺其草
且落蓋久之而值大中又郡公巡察養公董學
馬公咸鉅人孳孳於民之故天下之慮顧大名
無能志之者而潛子時來適以太史臨而至於

是兩臺交檄余余受以檄府而太守李子應龍者尤肫肫家其官則相與委重潘子徵召夜以繼日蓋未半歲而書成其文悉本史遷而傳春秋編年之法精確爾雅近所未見也其志之良乎迺余尤有重於斯志者其草率於民之故天下之慮也蓋一篇之中三致意焉圖首言大名之地三割矣縱三而衡一固聖王所以披強枝也然而形束壤制則尊周者亦無以成矣抑之功然則交鄰之恒摘角之勢不可不講也

大名府志 舊序

十一

邇近而分則雜五民姦彼此窟穴求盜或不得邇近而分則雜五民姦彼此窟穴求盜或不得是故其治衡爲等縱次之不可不知也述沿革若制也述年紀者政也蓋曰其所不可得而議者王制也所得而因革張設者官政也不可不思也帝后人物之大也山川故蹟之聚也是故先之而山川之書治水尤詳嗟乎不爲魏患久矣堙汨則有近功而多後患寬爲之道務以疏之則順于水而防誦非庠列嘉言擇于長筭則不能成疆沉澹災之功是故詳之夫方土

之於故蹟殘如矣然其流風定然責民風於之化夫誰得而辭之惟土物愛而無奇淫不監者國之利也故其志曰長厚務本善令子賦役之志而有感于民之遭也當是時時見寬民歲以千萬計日村催之不休志中時時見焉異日者耕種上有考矣而余以書生職其再歲顧不能使盜弭糾不此顧哉其矣夫馬政之敝也法使民各馬歲攻駒而入之縣人乃今所入非所字所字者類不中度徒取具文吏操

大名府志 舊序

十一

以爲姦至有緩急率復他市是以民其苦之而莫以爲言者焉政重也夫北方之民以地曠稅少爲饒而不能富樂者職以馬也官大者即不賢不得以逃其名除其耻小者非賢也不得以名通是齊豹三叛之義也貢舉具書而傳特記其仁者從而去者以示事定蓋其嚴矣夫作志者其有憂乎故志宵人而以僭僞同傳非以其類乎蓋春秋之義扶陽抑陰莫先於正邪止萌戒其辨之不早辨也於是乎微之獻焉微之文

國朝文雅三賢
後世
章名教
傳君子
志藝文
昔則史
內齷齪
堂之下
皇王下
大名府誌
舊序

識
載筆之林不猶矇瞽而監繩墨哉敢曰當事者
以折肱爲良醫也嘉靖戊午春正月直隸大名
府通判前進士翰林院庶吉士吳興潛仲騷謹

然不謬於聖人矣政暇晴山與天泉相對展讀
慮河防則思梁韜子之智通堤渠則思汪魏橋
之利振風俗則思陳孝行之義貢方生則思罷
蚕租之害按田賦則思山市牛之仁輕徭役則
思寬守具之令昭秩祀則思沉白馬之誠肅兵
防則思構樓堞之畧馴馬政則思疏括牧之盛
善必神交意契若身親其事者時而祖梁公魏
國福低而久之將惕然有感曰是何明德之
遠舉人懷刻至今不衰耶而衆樂各堂蓋舫名
大名府誌
舊序

升瑕 憶公叔伯玉之相從未始不
此樂也遠眺幸何雍榆鹹感諸故地當時車馬
交盟於此寧如今日一絃之盛可又從而步
華韋朝歌甲所稱精 鶴城者泯沒盡矣其
悼戒爲仁如也夫古今者跡也興衰者文也稽
此故魯有春秋而季札見之嘆曰周禮盡在魯
齊人亦畏不敢動今大名典章存而不泯古

今得失繫戒昭然使中作准而後有見之者
於稱漢也耶謂予論議後邦不遂遂後助克
辱屬序其成亦一威事固有待也耶非
七年本春言且昭進上出身重平大次都察院
右都御史兼工部主事侍郎禮部禮儀

大名府志 傳序

重修大名府志姓氏

總裁

撫憲處士蔣紫雲

直隸守道督理錢穀河南按察司副使丁思孔

嘉應巡道通判名編傳事山東按察司副使董秉忠

益名處憲督道通判名編傳事山東按察司副使董秉忠

纂修

大名府知府周邦彬

提督湖廣學政按察司僉事長相邵煥元

大名府志 姓氏

拔貢生東明袁佑

恭訂

清軍同知戴其員

捕河通判丁瑋

糧馬通判興永隆

開州知州孫一榮

元城縣知縣陳偉

大名縣知縣顧成泰

魏縣知縣毛天麒

南樂縣知縣方元啟

清豐縣知縣葉雷生

內黃縣知縣楊輝斗

濬縣知縣劉德新

滑縣知縣陳啓潛

東明縣知縣楊日升

長垣縣知縣宗琿

鑒定

海寧縣知縣成克鞏

人各府志姓氏

職聞

太常寺正卿錢經

刑部山西清吏司主事劉元徵

候選進士孫郁

候選進士張鴻儀

候選進士陳孚

候選進士黃任

候選進士劉元福

候選進士黃之鼎

重修大名府誌凡例

一山川亘古不易從舊居多其河流變遷因

時而改詳著年月

一古蹟代為興廢即跡湮而仍存其名以修

考不取沒也

一田賦運籌詳今循役則以

典朝為準遵時制也

一提督提督衙門俱

本朝所新設裁置不一應續兵防志後亦猶誌

大名府志凡例

兵防者不得以職官濫例遺也

一官業人物藝文古人所謂三不朽者其在

茲乎必傳訪輿論確有實蹟及事關風土

可傳采擇者方以登冊故不敢遺古而畧

今不敢敗華而失實非實也永以為誌也

一是書雖經新修而舊誌出自名手雖有遺

裁今義例次序一遵舊目各節論斷了了

下庶免續臆之譏至星野景物舊誌

者今為補入

舊誌兩經增補今則八十年未修矣因舊
刻有續字故此特標新誌字樣所以示別
也

一誌內文義有重複或刪煩以就質者中缺
數行數字而文義自貫慎災水之愆非直
爲東梨惜貲也閱者詳之

大名府知府周邦彬謹述

大名府志

三

卷之十七

馬政志

卷之十八

職官譜

職官新譜

卷之十九

仕籍譜

仕籍新譜

卷之二十

宦業列傳

卷之二十一

大名府志目錄

三

宦業列傳

宦業新志

卷之二十二

人物列傳

卷之二十三

人物列傳

人物新志

卷之二十四

外傳

外傳新志

卷之二十五

藝文志

代御製

卷之二十六

藝文志 詩賦

卷之二十七

藝文志 紀述

卷之二十八

藝文志 紀述

卷之二十九

藝文志 紀述

卷之三十

大名府志 目錄

藝文新志 御製 詩賦


卷之三十一

藝文新志 記傳

卷之三十二


藝文新志 雜體

四



大名府志

右圖大名府境以內州邑道里山川阨塞形勝
頗可概見矣然而疆域有鉅隘錢穀有盈縮物
產有豐嗇可燭而晰也滑爲最大開次之長垣
魏縣地不逮滑也而物產稱饒焉元城豐濟三
邑等耳南樂又次之東明又次之內黃與開州
接壤並稱境瘠且多硝河下墊故多沙鹼苦澆
者以千年之通居六七也是以今守斯者恒憂
額以從事嗟乎嗟乎又臨縣自元稱元武之
貴鄉或直或省當洪武以前府志未云縣三



在儀門東一爲刑廳今晚香堂一爲軍廳今仍
之爲糧廳今刑廳也刑廳歲久漸圯且前廳
湫隘萬曆二十年秋水潰垣推官方大鎮捐俸
新之敞乃皇門知府奎時相扁儀門曰明刑
弼教扁其堂曰水鑑無私一爲馬廳即今糧廳
蓋無隸也廳前宜高及下萬曆十一年通判閻
立構鎮宅樓勒以石題云斯地也以府治言之星
分角亢卦爲巽風支屬辰龍堪輿家以爲宜高
也而衆水歸焉則反下矣因建此樓是爲記

大名府志

治舊無
儀門之
夾道為
竹匝舍
○賓館
復遍壬
鳩工鼎
事友堂
生扶世
守舍又
東未在
辟雍特
選名流
府學在
今府治

建為四賢祠以劉忠定公秋深公寇萊公
 魏公並祀知府張瀚有記
 祠以劉忠定為鄉先生不當與四公並列乃
 祠忠定於東偏而以文公祠於西偏四賢
 祠五年知府王叔果加祠號舍四間
 選十二序諸生課之一時文風稱盛云
 府金時相以四賢宦茲土而忠定則郡人也東
 賢西宦神易以緩乃易西而東且祠前僅容旋
 馬祠後曠土且多遂殿其祠于最後俱南面向
 東西相通中峙上達櫺星加修葺奉選文昌帝
 君像祀於上改題曰文昌閣閣次匾曰桂香深
 慶閣下則崇教堂名仍舊蓋不泯書院之意云

大名府誌卷之一


十四

左右各前堂一區綠甍翼拱分置廂房為諸生
 課讀之所先詰事德而訴合英儒樂群而敬業
 神人治矣○社學大名原無至萬曆十七年知
 府尹應元申明於院道除南門北門空閑官地
 外仍於東西關買居民許第等地基修蓋社學
 四處又買地二百五十畝取租以供教讀共用
 銀三百六十七兩有奇內元城縣知縣劉三英
 前後共輸銀六十兩餘皆本府措置並不派及
 州縣立石在社學其餘十州邑俱建社學

大名府誌卷之一

三

○洹水鎮魏之故城也避漳水徙五姓店然不
 詳其年月故時無城守惟匠士堤人煙之外以
 却漳河正統間譚理因時有外警烽燧入京師
 輔甸之內騷然始築城周五里有奇高二丈一
 尺池深廣下上之以差天順三年知縣楊春增
 高城四之一內列甕城而治間漳水至鮑琦
 親操版插興徒外環堤八里水尋却及薊盜起
 高要因外堤繕高二丈深倍其四之一置縣樓
 有所勒卒戍守之盜南畧出魏縣知不能遂



引去又三年張漢卿稍加增濬以榆柳葺之
二十二年知縣馮世訥董威增築之邑人申
有記三十二年知縣陸東復加修築內城易之
磚石民廬城者頗無漳河之患矣

○城垣頽又萬曆二十年秋暴雨決旬週遭盡
圯蕪漳水附郭浸滅難禦知縣田大年劑度量
工修葺完固

○縣署在西街東隅儒學今在縣署東宋元時
在于村渡遷洹水鎮元至正間有知縣達魯花

大名府誌 卷之二

三

亦字蘭奚為教諭王適造祭器記明初

圯於漳水徙此洪武三年縣丞蔣德私創
建是後脩建不一俱詳縣志○社學故凡三所

沙口一在雙井知縣孫汝賢復增三十一○

已東街止一社學其所屬鎮店址臯雙井沙口
等處俱未建亦無教讀贍養之資萬曆十八年

縣陳于王捐俸百金增各鎮社學邑中西南
址買地一百二十畝并鄉宦等捨地二百零

四十畝分給教讀各四十畝

○北臯鎮界成安臨漳之間民僦而廬者千餘

家知縣馮惟訥如檄堡北臯明年復堡雙井而

知縣董威繼之置義倉及斥堠戎器之數畧備

雙井阻漳衝合流之衝亦他日列屯地也邑人

王永壽記嘉靖甲寅知縣陸東復堡沙口當郡

縣之中居民數百家其地東倚郡城西入魏由

邯鄲之道以達於京師自井陘而下守魏則郡

之全境安非涉沙口郡城未可窺也邑人申燾

記餘公署詳著圖間不著○萬曆二十年知縣

大名府誌 卷之二 三

梅守相奉本府議增建義倉四所曰在城東街

倉曰沙口集曰高兒寨曰阮家堡連前共六處

附倉居民一百四十三村詳圖志二十一年知

縣田大年詣各倉查審於北臯等鎮各捐俸五

金重脩○演武場長一百六十九步闊南廣五步旁鋪民居非幅員者予故詳附之○鋪舍

四曰總鋪曰沙口曰西寺堡曰大寨俱有○矣
○漳寧橋在邑南郭外為內黃等處通衢商民
病涉萬曆十八年知縣陳于王始建利涉橋焉